

شیعه لیک و ایرانیت دئییه فارس ایستعمارچیلیغی

علی شریعتی و فارس شعوبیه چیلیگی 30

کئچمیش دانیشتیق‌لاردا ایشاره ائتدیگیمیز دک علی شریعتی فارسلیق اوچون ایسلامیتدن مستقیل اوخونوش و قرائت اورتایا قویماق اوچون "تشیع علوی" ایفاده سینی بیله شیعه لیک و صفویلیک قارشیسینا قویماغا چالیشمیش. بو آرادا علی شریعتی ایسلامیتی فارسلیق و ایرانیت اوچون دوغما قلمه آلدیغی دوغرولتوسوندا اوخویوروق:

"ایسلام ایرانا گلدیکده ایران ملتی رسمی اسلام تبلیغچیلرینه و ایسلامیته دعوت ائدن سیاسی قدرته تسلیم اولموش بیر تقلیدچی دئییل، ترسینه ایرانلیلار اؤزو بیر داعی، آراشدیرماچی، حاقی و دوزگونلوگو تبلیغ ائتمک نقشینده آیاغا قالخمیش. اونلار بیرینجی مدعیلر، رسمی داعیلر، اسلامی یایماقدا رسالت صاحیبی اولان خلیفه لر، حاکیملر و عرب فاتحلری دک ظاهر اولموشلار. اونلار قاضیلری، محدثلری، عرب حاکیملرینه باغلی اولان خاطبلری، یالان ایله مشغول اولانلاری کفر آدی آلتیندا محکوم ائتمیش، درس حوزه لرینده تفسیر، حدیث، فقه و اسلام حئکمتینی اؤیرنمیش یئنی اؤیرنجیلر اولاراق اورتایا چیخمیشلار. اونلار اؤزلری عرب دیلی، ادبیاتی نین

اۇپرىتىجى سى و بىلىنچلى مېلغ، دوزگون و ايسلام شناس اولاراق
عرب فاتحلىرىنە ايسىتر ايسلامىتى، ايسىترسە دە عرب دىلىنى يىنىدىن
اۇپرىتمىشلر".^۱

كۆچمىش دانىشىقلاردا اشارە اولوندوغو كىمى على شىرىعتى نىن ادعا
ائىدىگى او زامانكى ايران آنلايشى افغانستانى شىرقىندە كابل و غزنى
آراسىندا كىچىك بىر بۆلگە اولموش. باشقا بىر ياندان ملت آنلايشى
اون سكىزىنچى عصر آمريكا و فرانسە مملكتلىرىندە اورتا آتلىمىش و اون
دوقوزونجو عصرده آوروپادان دىل و مدنىت اساسلى بىر آنلايش اولاراق
يائىلماغا باشلامىش. اوندان اۇنجه كى "ملت" آنلايشى "امت"
آنلايشى ايله ائشيت و برابر ايشلىنمىش. دئمك، هر هانكى بىر
شخصىن ايسلامىتى قبول ائده رك ايسلامىت دونياسىندا نظر صاحابى
اولماسى، ايسلامىتى هر هانكى بىر ملتىن آدىنا يازماق و عربلىرى دىل
و مدنىتدن اوزاق، داها دوغروسو كئرى قالمىش قلمە آلماسى اوزو دە
ساوادمىزلىق و عظمت طلبلىك سايىلار. بو باخىمدان على شىرىعتى
فارس جبھە مىلى محفلى نىن يوكونو داشىماقدا اولان بىر حمال كىمى
اؤزونو ايفاده ائتمگە چالىشمىش. على شىرىعتىدن كئنه دە اوخوپوروق:
"بنى اومىه علىهينه باش قالدیرما، خلافت رئزىمى نىن دگىشمە سى،
"آل رسول" شىعارى نىن حؤكومت رهبرىگىنه يول تاپماسى، قضايى

مقاملارا صاحب چىخماق، علمى، اسلام حوزه لرىن مركزلىرى نىن يارادىلماسى، امامت، ولايت، اهل بيت، شيعه ليگه، صوفىليگه سؤيكنمك ... بونلار هاميسى مختلىف نقشلر سايىلار. ايران اسلامى تمىزلىمىش، پارلاتمىش، اونو دوشونجه، مدنيت، حاق پرستلىگىن، انسانىتىن درىن معنوى و عئلمه سيلاخلانمىش و منطق روحو ايله دولدورموش، ائله جه ده اونو (اىسلامىتى) خليفه ليگ زىنتىندن، عربلىكدن، اشرافىتدن و رسمى ظاهىرپرستلىكدن، عامىلىكدن و بدوىلىكدن اوزاق عربلره بير داها انعكاس وئرمىش....".ⁱⁱ

اوسته دؤنه دؤنه ايشاره اولدوغو كىمى بوگونكو فارس مدنيت راسىستلىرى، او جومله-دن على شرىعتى نىن "ايرانىت" آنلايشى تارىخى واقعىتلر ايله اوست اوسته دوشمز. دئمك، اسلام بير اينانچ و دونيا گؤروشو اولاراق چىن سرحدلرىنه دك يايىلدىقدان و مختلىف خالق و ائتىكلر اىسلامىتى قبول ائتىكدن سونرا بير چوخ انسانلار دا فرد اولاراق عرب دىلى و كولتورونون كؤلگه سىنده، - او زامانلار عرب ادبىياتى واسىطه سى يونان فلسفه سى ايله تماسدا اولموش و حتى امام درجه سىنه يوكسلمىشلر. كىمسه بو مسئله نى دانماق و انكار ائتمك اىستمز. آنچاق بو آرادا "ايرانلى" دئيه بير "فارس" قوزو اورتايا آتماق گولونچ و مسخره سايىلار. بو عالملىردن بىرى ده امام محمد بن

البخارى اولموش. بو ذات بخارادان عربستان يولا چىخاراق "مدینه النبويه" و "مکه المکرمه" شهرلرينده اوتراق ائده رک اون ميندن (10000) آرتيق حديث پيغمبردن و اونون صحابه لریندن توپلاياراق بوگونکو اۆزبکيستانين بوخارا شهرينه گئري دؤنموش. أبو جعفر محمد بن جرير الطبري طبريستاندان بغداد شهرينه گئده رک اورادا عرب ديلينده تحصيل آلاراق بؤيوک تاريخچى و فقيه اولموش. ولي الدين عبد الرحمن ابن محمد ابن خلدون الحضرمي، اسپانيانين گونئيىنده دوغولموش زامانى نين بؤيوک تاريخچى سى، سياستچيسى و جامعه شناسى اولموش. أبو عبد الله محمد بن بطوطة، مراکشين "طنجه" شهرينده دوغولموش، حقوقدان و سياح اولموش. ابولفضل بيهقى قزنه ليلرين حاکيميتى آلتيندا مورخ اولموش. بو گليشمه لري بير ملت (ايران ملتى دئيه فارسليق) چاپيندا قلمه آماق اؤزونو آلداتماق و عوامفريلىك ساييلار. على شريعتى فارس شاهليغى نين سون گونلرينده انقلاب ايسلامى آرزوسو ايله يازميش، اوخويوروق:

"چوخ حساس زمانلار كئچيريريك. ايندى تعيين انديجى ايللر كئچيريريك، قدر گئجه سيندن ساعاتلار كئچيريريك. فرشته لرین، روحون ياغماسينى گويدن يئره احساس انديريك. گئجه قارائليق اولماسينا باخمایاراق آلتورانليق ياخينلاشير، دان يئري نين

ایشیقلانماسی یاخیندیر. یئنی دگرلر یارانمیش. گلجک آلین یازیمیز یازیلیر. بیلینجلنمه میز، ایسلام ایدئولوژی سی نین یارانماسی و اونون قدیم اولدوغو کیمی علمی بیر مجموعه بیچیمینده و ارشی عادت دئییه عامیانه بیچیمده بیر دعوته، رسالته دؤنوشمه سی، تکمیل اولماسی، سرعتلنمه سی دوشمنی قورخویا سالاراق لیاقتسیز حاکیمیت قاناتلارینی (جناحلارینی) اونو درک ائتمکدن عاجیز ائتمیش"iii.

اوسته گؤروندوگو کیمی علی شریعتی، معنوی دنیا ایله مادیات (دۆلتچیلیک) دونیالارینی بیرلشدیرمگه و اوندان فارسلیق اوچون امت و ملت تئوریزی نین ایفاده سینی "ایرانیت" دئییه فارس ملی مذهبیلری اوچون بیرایدئولوژی دئییه اورتایا قویماغا چالیشمیش. عئین حالدا انقلاب اسلامی نین باش توتاجاغینی خاریجدن بیر هئیت (ابراهیم یزدی، مصطفی چمران، صادق قطبزاده) ایله مصره گئده رک مجاهیدلره نظامی اؤیرنیمی درسلی آلاماقدا ائشلیک و همراهلیق ائتمیش. بو اساسدا دا حسینیه ارشاد شاه زامانی نین اطلاعات اداره سی طرفیندن تعقیبه آلینمیش. دئمک، مسئله اسلام و اسلامیت دئییل، ایسلامیتی حاکیمتچیلیک باخیمیندان فارسلیق خدمتینه آلاماق و "ایرانیت" مقوله سینی "فارس و شیعه" دئییه تانیملاماق و تعریف

ائتمک منظور اولونارمیش. دئمک، فارس شاهلیق سیستمی نین لائیکلیگی و اجتماعیتین دینی اینانجلارینا و دمکراسی آنلایشینا دقت یئتیرمدیگی اوچون فارس ملی مذهبی کسیمی محمدرضا شاهى اؤز قارشیسینا بیر دوشمن کیمی قویموش مقامدا یئر آلمیش ایمیش. رضاخان ایش اوسته گلن گوندن اعتبارا توپلومون نورمالارینا دقت یئتیرمدن قورو فارس ملیتچیلیگی و باستانگرایلیق اساسیندا ایران ممالیکی محروسه سینه حاکیم کسيلمه سی، ایستر رضاخان و ایسترسه اوغلو محمدرضا شاه پارلامئنتاریست بیر سیستم یاراتماق لیاقتلری اولمادیغی و دینچی و سولچو کسیمی اؤز قارشیلارینا آدیقلاری، اؤیرنیم سیستمی ایله انسانلارین ذهنیتلرینی حاضیرلامادان "کشف حجاب" دئییه قادینلارین باشلارینی آچدیрмаقلاری، غرب بیچیمینده وشکیلینده اولان سینمالار گونو گوندن دینچی کسیمی ده فارس شاهلیق سیستمیندن اوزاقلاندیغی اوچون فارس لیبرال کسیمی ملی مذهبی دئییه دین باخیمیندان رادیکاللاشماغا و یئنیدن بیچیملنمگه و شکیلنمگه باشلامیش. او زامانلار فارس جبهه ملی محفللی باشیندا محمد مصدق اولدوغونا باخمایاراق **مهدی بازرگان و یدالله سحابی** یالنیز "جبهه ملی ایران" آدلی دگم و باستانگرای فارس ملیتچیلیگی ایله راضیلاشمادیقلاری اوچون 1340

(1961) اینجی ایل "نہضت آزادی ایران" آدلی فارس ملی و مذهبی محفلینی قورموشلار.

مہدی بازارگان مصدقچی و مشروطیت طرفداری اولدوغونا باخمایاراق دینچی ده اولدوغو اوچون روح الله خمینی نی شاه ایله مذاکره ائتدیرمگه و ائتلاف حؤکومتی قورماغا چالیشمیش، بو دوغرولتودا اوخویوروق:

"بازرگان شاه نظامی نین بیخیلماسینا و رئیمین چؤکمه سینہ اینانمایاراق خمینیہ دئمیش: - "سیز بیر باریش دؤلتی قورونوز. بیز آزاد سئچکیلر کئچیرک، ملت وکیللریمیزی مجلسه گؤنده رک و یاواش یاواش نظامی شاهین الیندن چیخاراق!"^{iv}

نہضت آزادی محفلی مہدی بازارگان، یدالله سبحابی و سیدمحمود طالقانی باشچیلیغی ایله **"هویت اسلامی و ایرانی"** آنلایشی اساسیندا بیر تشکیلات قورموشلار. **علی شریعتی** ده آشاغیدا گؤره جه گیمیز دک بو محفله عضو اولدوغو اوچون "ایرانیت" مقوله سینى **"باز شناسی هویت ایرانی - اسلامی"** باشچیلیغی ایله "فارسلیق و شیعه لیک" اساسیندا تئوریزه ائتمگه چالیشمیش. نہضت آزادی نین خاریجی قوروجولاری مصطفی چمران، ابراهیم یزدی و صادق قطب زاده اولموشلار. محمد رضا شاه سیاسی فضانی دینچی

و سولچو دوشونجه صاحابلارينا آچماق ايستمزكن 1344 (1965) اينجى ايل نهضت آزادى محفلى نين گنج نسلى **محمد حنيف نژاد** باشچىلىقى ايله **"سازمان مجاهدين خلق ايران"** آدلى بير چرىكى تشكىلات قورماغا باشلامىشلار. مەدى بازركان شاه زامانى دوستاق اولاركن قاضى قارشىسىندا محمدرضا شاها خطاب دئيمىش:

"سيز ايله قانون دىلىنده دانىشان سون بۇلوك و قوروپ بىزىك. بىزدن سونراكى نسل حۇكومت ايله سىلاح ايله دانىشاجاقدىر".^۷ مەدى بازركانين ايفاده سىندن بللى اولدوغو كىمى اونون قولتوغو آلتىندا مجاهيدلر دئيه اۆز نوچه لرىنى گىزلىتمىش گۇرونورموش. بئله ليكله فارس مىلى و مذهبىلرى منطقه-ده عربلىگى ايرانيت اوچون دوشمن قلمه آلدىقلارينا باخمىلاراق اسراعىل حۇكومتى، شاه حۇكومتىنى فلسطين مسئله سىنده اۆزونه متفق قلمه آلدىغى اوچون، فارس مىلى و مذهبىلرى ده شاهلىق عليھىنه عرب دۇلتلرىندن كۆمك آلماقنى اۆزلىرى اوچون بير چىخىش يول قلمه آلمىشلار. دئمك، بوگون جمھورى ايسلامى نين فلسطين مسئله سى اوزره مانور وئرمە سى ده كئچمىشده گىزلى اولان فارس مىلى و مذهبىلرى نين فلسطين مسئله سى اوزره مصر دۇلتى ايله آنلاشمالارينا و امكداشلىق پلانلارينا اساسلانا. عرب و يهود دوشمنلىگىندن يولا چىخاراق نهضت آزادى

محفلی نین خاریج قولونو تمثیل ائدن ابراهیم یزدی آمریکانین واشنگتون شهرینده مصره سفیرلیگی ایله تماسا کئچه رک مصر حکومتیندن کؤمک اومدوقلارینی (آرزو ائتدیکلرینی) بیلدیرمیش. بئله لیکله ابراهیم یزدی تیمی او جومله-دن **علی شریعتی** مصره گئتمه لی اولموشلار. علی شریعتی نین اوسته "مَطْلَع فجر (گئجه سحره یاخیندیر و ایشیقلا نیر) دئمه سی ده شاهلیق علییه نه سیلاحلی چاتیشمانین باشلانماسیندان خبر وئرمیش. بو دوغرولتودا داها آرتیق بیلگینی ابراهیم یزدیدن ائشیتیمک داها دا یاخشی اولار:

"مهندس محمد توسلی تهراندان اویرنجیلر تشکیلاتی نین نماینده سی اولاراق ایسویچده قورولموش کونفئدراسیونون ایکینجی قورولتایا قاتیلیمیش. بونلار انجمن ایسلامی محفلینه باغلی ساییلاردی. بیز ایسه بوتونلوکله کونفئدراسیون و جبهه ملی تشکیلاتینا باغلی ساییلاردیق. بیر محرمانه سفر اوچون مصره گئتدیک. ... مصرلر ایله دانیشدیق مصره گئتمه میزی قبول ائتدیک. ... واشینقتونداکی مصر سفارتینده کی مسئل ... بیزی ایسویچده کی مصر سفیرلیگینه تانیش ائتدی. بیز اونلار ایله یازیشدیق. مصر مقاملاری بیزی مصره گئتمگه قبول ائتدیلر. اونلار بیزی "نهضت آزادی" آدی ایله قبول ائتدیلر. مصره گئتمک اوچون معرفینامه و لازیملی مدرکلری، او جومله-دن

طالقانی ایله و باشقالاری ایله ایلشگی و رابیطه میز اولدوغونا داییر کاغاذ وئردیک. بونلارین هامیسی قاباقجا حاضیرلانمیش ایدی. بیزدن اؤنجه ده باشقالاری بو ایشه قول چکمیش، آنجاق باشارمامیشدیلار. جلال الدین فارسی گئتمیش، اونا اوز وئرمه میشدیلر. علی شریفیان دا گئتمیش، باشارمامیشدی. مصر مقاملاری بونلارین شخص اولدوقلارینی بیلیمیشدیلر. علی شریفیان دا بیزیم تیم ایله گلدی. **علی شریعتی، صادق قطب زاده و پرویز امین** بیر تیم اولدوق و مصره گئتدیک. مصر مقاملاری بیزیم بعضی ایشلر گؤردوگوموزدن خبرلری وار ایدی.. تشکیلاتیمیز گیزلی اولدوغو اوچون هر بیریمیزین نچه آدی و مختلف گذرنامه سی وار ایدی. منیم گذرنامم مصری ایدی. بعضی گذرنامه لری بیز اؤزوموز دوزتمیش ایدیک. مصرده اولارکن بیرکسین فارسچا یازیشماق قصدی و نیتی یوخ ایدی. بیزه ایراندان گلن مکتوبلار فرانکفورتدا یاشایان بیر مسئولا گئدیردی. او اورادان مکتوبلاری دیپلوماتیک پوست ایله قاهره یه گؤندیریدی. بیز اورادا اولدوغوموز مدته ساواکین هئچ بیر خبری اولمادی. بیز یئر آلتی و گیزلی تشکیلات یاراتمیشدیق. عملیاتیمیزین دا گیزلی و مستعار آدی وار ایدی. یازیشمالاردا ایران، جبهه ملی، مصر کلمه لری یازیلمازدی. من بونلاری چمران آدلی 120 صحیفه لیک کتابیمدا یازمیشام. بونلارین

ھامیسی مستعار آد آلتیندا اولموش. بیر جدول بیچیمینده یازمیشام و آدلاری ایضاح ائتمیشم. بیز چوخ مطالعه ائتدیکدن سونرا بیر نظره چاتدیق؛ او دا بو: -ایچریده گیزلی و مخفی موباریزه نین اوصولندان خبریمیزین یوخلوغو ایدی. اؤیرنیم گؤرمدیگیمیز و پولیس گوجلری ایله نئجه یاناشمانی بیلمدیگیمیز اوچون موباریزه ائتدیکده ساواک بیزه مسلط ساییلیردی. چمران ایله من اول بو اؤیرنیمی و "گیزلی رابیطه قورماغی" اؤیرندیک. او زمانا دك هئچ نه بیلمیردیک (اؤرنک اولاراق: 1340 اینجی ایل شمس الدین امیر علایی نین ائوینده کاظمی و سالک ییغینجاقلاری وار ایمیش. دانشیرمیشلار/ ساواک اداره سی نین رئیس کاظمی بگه تلفون آچمیش، دئمی: - کاظمی بگ، بو توتولموش تصمیم یانلیش! بو خبری کیم ساواکا وئرمیش دئییه بو انسانلار بیر بیرلرینه شک ائدیرمیش. بیزیم ده بیلگیمیز یوخ ایدی. مصرده اؤیرندیک و سونرا ماسا آلتیندا بیر میکروفون ایله بو سسلرین آلتیندیغینی باشا دوشدوک. بئله لیکله "رمزی یازماق، گیزلی عکس چکمک، گیزلی ایلیشگی قورماق ... بونلارین ھامیسینی اؤیرندیک. مصرلرین بیزه وئردیکلری یازی جزوه لرینی بیرلشدیره رک بیر درگی حالینا گتیردیک و مجاهدلر اوچون ایرانا گؤندردیک. مجاهدلر بیرینجی "امن ائو"لرینی نارمکده قوردولار. بیز بونلارین ھامیسینی (گیزلی

فعالیت، گیزلی ایلشگی قورماق، نظامی عملیات، پارتلایجی مواد ایله ایشلمگی، اسلحه ایله ایشلمگی، رمز یازمانی ...) مصرده القاص ساخلاویندا (پادگانیندا) اؤیرندیک. او زامانلار مجاهیدلر عملیاتا باشلامامیشدیلا. 1349 اونجو ایل بیرجی پولیس ایله قارشى دورما باشلادی. 1350 اینجی ایلدن خمینی ایله دوزنلی ایلشگیمیزی آرتیردیق. ... تشکیلاتین توتدوغو تصمیمه اساسا اوچ نفرین: من، چمران و قطب زاده نین (چوخ بیلگی و اطلاعاتیمیز اولدوغو اوچون) ایرانا گئتمک حاقی یوخ ایدی. .."vi.

اوسته گؤروندوگو کیمی علی شریعتی نین اشاره ائتدیگی " ما اکنون سال های تعیین کننده ای را می گذرانیم" ایفاده سی ده شاهلیق علیهنه بیچیملنمیش و فورمالاشمیش ایش بیرلیگیندن حثکایت ائدر. دئمک، "تله-دیر تاوالمادیر، شیعه لیگی فارسلیق خدمتینه آلاق فارس حاکیمیتچیلیک و فارس پرستلیک حثکایه سیدیر!"

فارس ملی و مذهبیلری آیت الله خمینی نی اؤزلرینه بیر وسیله دئییه شاه حاکیمیتدن دوشدوکدن سونرا بیر داها عبا و عمامه سیز فارسلیق آتینا مینمگه چالیشمیشلار. آنجاق روح الله خمینی بو مسئله-ده اونلارین ایستک و آرزولارینی گؤزلرینده قویموش. بو دوغرولتودا اوخویوروق:

"آیت الله خمینی بازرگان گوندردیگی مکتوبو یئرتدی! آیت الله خمینی تهراندان قم شهرینه گلن گئجه انقلاب شوراسی اونون محضرینده ایکیلر. من ده اورادا وار ایلیم. من آیت الله خمینی نی چوخ هیجانلی، راحتسیز و آنلادیلما یاجاق روحیه ایله جدی بیچیمده و حالتده گوردوم. ... او مسئوللارا چوخ شدت و حدت ایله انقلابین ایسلامی بیچیمده داوام ائتمه سینی سفارش ائدیردی. او جامعه نین بوتون عضولری نین انقلابا قوشولماسینی و وزارتخانالاردا اساسی دگیشیکلیک ائدیلمه سینی ایستیردی. او آرادا موقت دؤلتین بیرینجی وزیریندن بیر مکتوب گتیردیلر. مکتوب بسم الله ایله باشلانامیش و "ایران انقلابی" ایسلامسیز یازیلیمیشدی. آیت الله خمینی مکتوبو یئرتدی و دئدی: - اونا دئگینیز! فلانی مکتوبونوزو یئرتدی! من سیزه نچه دفعه دئگیم؟ بو "ایسلام انقلابی" دیر. ایراندا "انقلاب" ایشه یارامادی. ایراندا ایسلام ایشه یارادی...".^{vii}

اوسته کی آنلادیق و تعریفدن ده بللی اولدوغو کیمی دوشونجه سیندن، دنیا گؤروشوندن آسیلی اولمایاراق "**هامی بیرلیکده**" دئییه هدف تهراندا حاکیمیت دگیشیکلیگی اولدوغو، اورتاق و مشترک بیر حاکیمیتچیلیک سیستمی یاراتماق اوزره آنلاشیلمادیغی، فارس اولمایان ملی توپولملارین آیدینلاری و اوخوموش کسیمی اؤز دیل و

مدنیتلری اوزره بیلینج و شعورا مالیک اولمادیقلاری اوچون، علی شریعتی لرین ده اوخوموش مذهبی نسله آشیلادیغی و تزریق ائتدیگی "پدر مادر ما متهم هستیم؛ فاطمه فاطمه است، تشیع صفوی و تشیع علوی" دئییه ایچریک و محتوا باخیمیندان ایچی بوش، آنجاق عوام انسانلار اوچون دویقو و احساس سؤمورمکده باشاریلی اولان متینلر دورمادان یاییلانماغا و اوخوموش کسیمی ده عوام انسانلارا تای و بنزر ائتمگه یول آچمیش. بئله لیکله فارس حاکیمیتچیلیک سیستمی دگیشمه-دن فقط کیراواتلی، ساچلی و ساچاقلی فیقورلار قالدیریلاراق اونلارین یئرینه عبا، عمامه، چادیر چاقچیر ساده کؤینکلی فیقورلار اوتوردولموش. بو سایدیقلاریمما باخمایاراق انقلابدا اؤزلرینی سهیم گؤرنلر ساغدان و سولدان حاکمیتین قورولماسینا قاتیلماق و سهم آلماق ایسته میشلر. بو محفللردن بیرى ده "سازمان مجاهدین خلق" دئییه ابراهیم یزدی ده اوسته آنلاتدیغی کیمی "نهضت آزادی" تشکیلاتی نین یئنی یئتمه لری و تۆره مه لری ساییلیمیش.

سازمان مجاهدین خلق، 1358 اینجی ایلین آبان آیى نین اون دؤردونده آیت الله خمینی آدرئسینه قم شهرینه مکتوب یازمیشلار. اونلارین یازدیقلاری مکتوب اونلارین مجاهد آدلى درگیلرینده ده اؤز عکسینی تاپمیش:



تلگراف مجاهدین خلق به امام خمینی

قم - محضر مبارک حضرت آیت الله العظمی امام خمینی
بسم الله الرحمن الرحيم

پدر گرامیجان
اکبر که انقلاب رهائی بخش اسلامی و ضد امپریالیستی ایران در مسیر حقیقی
مردمی خود معدهدا " اوچ گرفته بویران استار شههای استعماری و آمریکائی شساه
خائن را ازین برانداخته و راه هرگونه بازگشت را بر آنها سد کند؛
فرزندان مجاهد شما که اکیدا " خواستار ادا مرسالت ضد استعماری شما هستند
جانهای ناچیز خود را که کمترین فدیهرهائی این میهن و این خلق و مکتب است بر
کف گرفته و آمادگی نثار کردن آنها را با همه توانائی های ناچیز ترسیاسی و نظامی-
شان اعلام می دارند.
به انتظار فرمان قاطع امام در ریشه کنی همه بنیادهای امپریالیستی و صهیونیستی
مجاهدین خلق ایران ۵۸/۸/۱۴

مجاهیدلرین بو چابالارینا باخمایاراق کئچمیش دانیشیقلاردا اشاره
اولوندوغو کیمی، مرتضی مطهری آیت الله خمینی نجف شهرینده
اولارکن بيله مجاهیدلری خمینی تانیتمیش و اوژ گؤروشلری اساسیندا
اونلاری دوشونجه باخمیندان دئشیفره ائتمیش. مجاهیدلر آیت الله
خمینی نین باشینا قویماق ایستدیکلری حنا بویاق و رنگ توتما دیقدا،
مجاهیدلر ده دوشونجه باخمیندان محمد مصدغین قالیقلاری
ساییلدیغی اوچون، 1360 اینجی ایل حاکیمیتی اله کئچیرمک اوچون
محمد مصدقچی ابولحسن بنی صدر ایله ائتلاف ائتمگه و حاکیمیتی
اله کئچیرمک اوچون سیلاحلی چاتیشماغا باشلامیشلار. او گوندن

باشلاياراق مجاهدلر خميني اوچون ايشلتديكلري "سئوگيلي آتا (پدر گرامی)" کلمه سی يئرینه "دجال خمینی (خمینی دجال)" صفتینی استفاده ائتمگه باشلامیشلار. مهدی بازرگان آیت الله خمینی وسیله سی ایله جمهوری اسلامی حاکمیتدن آتیلدیکدان سونرا، مجاهدلر اونو اؤزلرینه جذب ائتمگه چالیشمیشلار، بو دوغرولتودا مجاهدین خالق تشکیلاتی نین یوکسک ساحه لی کادر عضولریندن اولموش سعید شاهسوندیدن اوخویوروق:

"مهندس بازرگان 1364 اونجو ایل، شهریور آیی نین بیرمی بیرینده آلمانیا بیر موضوع اوزره کنفرانس وئرمگه گلیمیشدی. من گونلوک ایشلریمی یئرینه یئتیردیکدن سونرا پاریسده یاشادیغیم یئره گئتدیم. مسعود رجوی منه بیر سفاریش گؤندردی و منی آلمانیادا مهدی بازرگان ایله کنفرانس سالونوندا گؤروشمگه مأمور ائتدی. مسعود رجوی منه نئجه بازرگان ایله گؤروشمگی تکلیف ائندن سونرا، مندن بیر مکتوبو مهدی بازرگانا یئتیرمگی ده ایسته-دی. مسعود رجوی نین سفاریشینیه اساسن من مهندس بازرگانى دؤرت یول آیریچیندا قویمالی ایدیم. بئله لیکله مهدی بازرگان مجبوراً بو دؤرت موضعدن بیرینده یئر آلمالی ایدی: "1) مسعود رجویدن تعریف ائتمه لی؛ 2) مسعود رجوینی پیسلمه لی؛ 3) جمهوری اسلامی حاکمیتینی

تعریف ائمه لی؛ 4) جمهوری اسلامی حاکمیتینی پیسله مه لی ایدی". مسعود رجوی نین نظرینه و درکینه گۆره: "مهندس مهدی بازرگان اورتادا قالمیش ایدی. جمهوری اسلامی حۆکومتی و مجاهیدلر آراسیندا بیرى نین طرفینه کئچیب، او بیرىسى نین علییهنه موضع توتماق ایستمیردی". من مهدی بازرگانان اورتادا دوردوغو یئری و موضعی اشغال ائمه لی و اونو باشقا بیر موضع توتماغا دورتمه لی ایدیم. بئله لیکله اونون موضع سی مجاهیدلر اوچون بللی اولمالی ایدی. بازرگانین منه یاناشماسی نزاکت و احترام اساسیندا اولماسینا باخمایاراق، اونو اۆز دوردوغو یئریندن من اوزاقلادایلمدیم. سونرا من مسعود رجوی نین مکتوبونو اونا وئردیم. رجوی مکتوبدا وورقولامیش و تأکید ائتمیشدی: " - سون اولاراق نصیحت موضعسیندن و سیزین یاشلی و باشلی اولمانیزی دا نظره آلاراق توکنمز و سونسوز ذره نیزی مجاهیدلره قوشولمانیزلا ثابت ائمه نیزی خواهیش ائدیرم. منیم سیزه سفارشیم: - ایرانا گئری گئتمه گینیز! من سیزین و عائيله نیزین بوتون خرج و مخاریجلرینی سونونا دک قبول ائدیرم". مهدی بازرگان مکتوبو اوخودوقدان سونرا، گولدو و دئدی: "رجوی و ابریشمچی-یه منیم سالامیمی یئتیرینیز و دئگینیز: " - من خانیمی می سئویرم". مهندس بازرگانین بو جاوابی مسعود رجوی نی چوخ

راحاتسيز ائتدی، بئله ليکله مسعود رجوی اونون بو موضع توتماسينا قارشين "**مروری بر کارنامه خیانت بار بازرگان**" آدلی کتابینی یازدی و چاپ ائتدیردی. رجوی بونلا دا یئتینمگه رک مجاهیدلرین تلویزیونوندا چیخیش ائده رک آچیقچا بازرگانا اولمازین حقارتی و توهین نی ده ائتدی".^{viii}

هر زامان ایشاره اولوندوغو کیمی فارس تشکیلاتلاری نین سیاستدن آنلایشلاری انسان حاقلاری، مختلیف دیل و مدنیتلرین آزادلیغی دئییل، حاکیمیتچیلیک باخیمیندان قدرته اورتاق و شریک اولماق بيله دئییل، ایمکان اولارسا، تک باشلارینا حاکیم اولماق منظور اولونار. دئمک، فارس حاکیمیتی و مخالفتی آراسیندا قارشى دورما دئییه ایستر شاه زامانیندا و ایسترسه ده شئیخ زامانیندا بیر چوخ انسانلارین قانی نین تۆکولمه سینه باخمایاراق اونلارین قدرت بؤلوشمه سی اوزره اورتاق و مشترک دیل تاپابیلمدیکلری مینلر گوناھسيز انسانلارین اعدام اولونماسینا، توتساقلاردا تجاوزه، شکنجه یه معروض قالماقلارینا و سورگون اولونماقلارینا یول آچمیش قدرت خولیاچیلیغی ساییلار. بو قدرت خولیاچیلیغیندا فارسچا اداره چیلیک دیلی اولاراق اعمال اولونار. بوتون اعداملار دا فارسچا یازیلار. اوسته آدی کئچمیش محفلر انقلاب اولمامیشدان اؤنجه شاهلیق علیهینه بیرلشه رک، ایچریده بیربیرلرینی

دستکلمیش، خاريجده دۇلتلردن او جومله-دن مصر دۇلتى نين امنيت تشكىلاتى و نظامى گوجلريندن تجربى كۇمك آلميش^{ix}، آمريكا سفىرى وىليام سوليوان نين محمدرضا شاها مراجعتى ايله شاه ايرانى ترك ائتميش^x و "انقلاب" دئيه آيت الله خمينى ايرانا گئرى دۇنموش. كئچميشده فارس شاه حاكيميتينه مخالف فارس مىلى و مذهبى قوه لرى نين بو دايانىشمالارينا باخمايلاق اورتاق و مشترك بير پلوراليست بير سيستيم ياراتمانى اۇزلىرى اوچون انسانلىق مسئله سى دئيه درك ائتمه ميشلر.

دئمك، ايران ممالىكى محروسه سينده اسلام انقلابى باش وئردىكدن سونرا على شريعتى ده اوسته وورقولايدىغى كىمى "امامت، ولايت، اهل بيت، شيعه ليك" دئيه **عرب مملكتلرينه "انقلاب صادير ائتمك (صدور انقلاب)" ايرانلىلارين فارسلىق رسالتى** ساييلميش. بئله ليكله فارسلاز ايسلامىتى عربلردن آلاق عرب مملكتلرينه بير داها اسلام صادير ائتمك خولياسينا قاييلميشلار. 8 ايل عراق - ايران آراسيندا باش وئرميش ساواشلار دا بو دوغرولتودا دگرلندىرىلمه ليدىر. بو باخىمدان اۇزلىرىنى ايسلاميت تئوريسيئنى قلمه آلان فارس مدنيت راسيستلىرى نين "صدور انقلاب" گۇروشلرى دقت چكىجى سايىلار. فارس حاكيميتى مسئوللارى طرفيندن ويكى پئديادا

"سياست صدور انقلاب اسلامی ایران" دئیه عموم دونیا اوچون بیلگی یاییلمیش^{xi}. او متن نین ده اوخونماسی پیس اولماز دئیه دوشونورم:

"ایران نین اسلام انقلابی نی صادر ائتمگی بیر سیاسی یولدور. بو یول 1357 اینجی ایل ایراندا باش وئرمیش انقلابدان آلمیش درسلی باشقا اسلامی و حتی غیر اسلامی مملکتلرده یایماق، درس وئرمک و اونلارا بو مسئله نی باشا سالماق منظور اولونار. آیت الله خمینی بو سیاستی آچیق، آشکار ایفاده ائتمیش و اورتایا قویموش"^{xiii}. "ایران انقلابینی صادر ائتمک سیاستی امتچیلیک دونیا گؤروشو اساسیندادیر. هدف 1357 اینجی ایل اسلامچیلار واسیطه سی ایله ایراندا باش وئرمیش انقلاب اساسیندا اسلامی بیرلیک یاراتماق منظور اولونار.

• لازیملی ایشلر: ایسلام ایدئولوژیسی دونیادا اؤز گؤروشونه و اصیللیگینه مالیک اولارسا، "**انقلابی صادر ائتمک**" اوچون شرطلر حاضر ساییلار. بئله لیکله بو اصیللیگی یاراتماق و اورتاق چالیشماق اوچون اورتاق اؤیرنیم یولو یاراتماق لازیم ساییلار.

• هدف:

1- ایسلام ملتلى آراسیندا "وحدت کلمه" دئییه سیاسى دوشونجه بیرلیگی یاراتماق.

2- دونیا دؤلتلى آراسیندا دوشونجه و نظر اعمال ائتمک مسئله سى (اؤرنک اوچون: اسلام دؤلتلى نین اورتاق وتو اعمال ائتمک حاقلاری).

3- سیاسى، امنیتی، اقتصادی، مدنى و ... اورتاق کیملىک یاراتماق^{xiii}.

اوسته گؤروندوگو کیمى بو اورتاقلىق و مشترکلىک هامیسی دیل و مدنیت اساسیندا اداره چیلیک سیستمینه اساسلاناچاق بیر سیاسى سیستم مسئله سى ساییلار. بو سیاسى سیستم ده فارس حاکیمیتی طرفیندن ایفاده اولوندوغو اوچون "ایران فرهنگى" دئییه فارس ایستعمارچیلیغى و اوستونلوگو (برترى طلبى) اساسیندا قورولاجاق بیر خولیا و خیال ساییلار. دئمک، فارس ایستعمارچیلیق یانچیلاری ایسلامیتی فارسلىق اوچون بیر وسیله دئییه قلمه آلمیش و بو دوغرولتودا سیاست یئریتمگه چالیشارلار.

ایشیق سؤنمز، 19.01.2019

-
- i علی شریعتی، بازشناسی هویت ایرانی- اسلامی، ص. 292
- ii علی شریعتی، بازشناسی هویت ایرانی- اسلامی، ص. 292 – 293
- iii علی شریعتی، بازشناسی هویت ایرانی- اسلامی، ص. 317 – 318
- iv سیره‌ی امام خمینی، ص 233.
- v حمید صدر، اشک تمساح حزب الله متنفذ: <https://hammihan.com/post/14855981>
- vi گفتگوی عرفان قانع‌ی فرد با دکتر ابراهیم یزدی ، دبیر کل نهضت آزادی ایران – بخش دوم تدارک مبارزه مسلحانه علیه حکومت شاه!، 30.07.1383 :
- vii <http://www.iran-chabar.de/1383/07/30/ghaneifard830730.htm>
حجت‌الاسلام والمسلمین عبدالمجید معادیخواه - روزنامه جمهوری اسلامی - 31 شهریور 1359.
- viii سرگه بارسقیان، روایت اصلاح‌طلب لیبرالی که نخست‌وزیر دولت انقلاب شد، شهروند 1386 دی شماره 31
- ix باخ اوسته: گفتگوی عرفان قانع‌ی فرد با دکتر ابراهیم یزدی ...
- x سرهنگ مرتضی عشقی پور، فرمانده حفاظت کاخ نیاوران در زمان پادشاه پیشین، می گوید: ویلیام سولیوان، سفیر آمریکا در ایران، در دی ماه 1357، در آخرین روزهای حضور محمدرضا شاه در ایران، نزد شاه آمد و به وی گفت به "تعطیلات" برود!؛ <http://iranglobal.info/node/70270>
- xi راهبردهای سیاست خارجی در جمهوری اسلامی ایران:
https://fa.wikipedia.org/wiki/سیاست_دور_انقلاب_اسلامی_ایران#cite_note-2
- xii راهبردهای سیاست خارجی در جمهوری اسلامی ایران، آیینمیش: سید عبدالقیوم سجادی، صحیفه نور، 1386، جلد 20، ص. 118. آیینمیش: امام خمینی(ره) و جنبشهای اسلامی معاصر» فصلنامه علوم سیاسی، شماره 5. و صحیفه نور، جلد 11، 1386، جلد 11، ص 266، آیینمیش: امام خمینی(ره) و جنبشهای اسلامی معاصر» فصلنامه علوم سیاسی، شماره 5.
- xiii راهبردهای سیاست خارجی در جمهوری اسلامی ایران، باخ اورادا.